

丁癸酉尚書

舊所立者爲七乞官知鹽法者五十六人從之平灤水害稼以平灤河間保定等路饑弛河泊之禁閏十月戊寅車駕還大都尚書省臣言南北鹽均以四百斤爲引今權豪家多取至七百斤莫若先貯鹽於席來則授之爲便從之庚辰桑哥言初改至元鈔欲盡收中統鈔故令天下鹽課以中統至元鈔相半輸官今中統鈔尚未可急歛宜令稅賦並輸至元鈔商販有中統料鈔聽易至元鈔以行然後中統鈔可盡從

之月的迷失以首賊立應祥董賢舉歸于京師癸未命遼陽行省給諸王乃蠻帶民戶乏食者乙酉命自今所授宣勅並付尚書省通州河西務饑民有鬻子去之他州者發米賑之丙戌西南夷生番心撈等八旅計千二百六十戶內附廣東賊鍾明亮復反以衆萬人寇梅州江羅等以八千人寇漳州又韶雄諸賊二十餘處皆舉兵應之聲勢張甚詔月的迷失復與福建江西省合兵討之且諭旨月的迷失鍾明亮既

來貢方物